

Namminersornerullutik Oqartussat missingersuutaat pillugit Inatsisartut inatsisaata allanngortinneqarneranik Inatsisartut inatsisaat (2016-imut aningaasanut inatsisissaq, nunamut tamarmut akileraarutissaq, kommunimut akileraarutissaq, kommunit missingersuutissaat aamma ulluunerani paaqqinnittarfinnut akiliutissat)

§ 1

Namminersornerullutik Oqartussat missingersuutaat pillugit Inatsisartut inatsisaanni nr. 8, 29. oktober 1999-imeersumi, Inatsisartut inatsisaatigut nr. 1, 23. maj 2000-imeersukkut allanngortinneqartumi makku allannguutigittinneqarput:

1. § 10-mi imm. 2-miit 6-imut nutaatut ilanngunneqarput:

"Imm. 2. 2016-imut aningaasanut inatsit kingusinnerpaamik 22. november 2015-imi akuersissutigineqariissaaq.

Imm. 3. Nunamut tamarmut akileraarutip 2016-imi procentia kingusinnerpaamik 22. november 2015-imi angissusilerneqariissaaq.

Imm. 4. Nunamut tamarmut immikkut akileraarutip 2016-imi procentia kingusinnerpaamik 22. november 2015-imi angissusilerneqariissaaq.

Imm. 5. Kommunit akileraarutip 2016-imi procentia kingusinnerpaamik 7. december 2015-imi angissusilerneqariissaaq.

Imm. 6. Meeqqat, kommunit meeqqanut suli atualerneqanngitsunut ulluunerani neqerooru-taanniittarnerinut 2016-imi akigitat kingusinnerpaamik 7. december 2015-imi angissusilerneqariissapput."

§ 2

Inatsisartut inatsisaat una Inatsisartunit akuersissutigineqarnermini erngerluni atortuulissaaq. Inatsit 1. januar 2016-ip tungaanut atuutissaaq.

Namminersorlutik Oqartussat, ulloq 11. november 2015.

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut